



La pasch, digna da vegnir festivada

La dumengia vargada ei la «La stad da Glion» vegnida lantschada ella Casa dalla sentupada dalla claustra da Glion. In concert intercultural ha dau il segn da partenza per ina jamna pulpida cun diversas occurrenzas iniziadas per promover la cultura da pasch.

ANDREAS CADONAU/FMR

Sco meditaziun musicala per la pasch ha il dirigent *Fortunat Frölich* annunziàu la dumengia vargada siu concert per l'avertura dalla «Stad da Glion». La secunda stad dedicata alla cultura da pasch duront ina jamna cun dabia occurrenzas en ed ordeifer la claustra da Glion. Bia spazi da meditar ha il concert dallas diversas formaziuns entuorn il dirigent buca puschiu agl auditori. Tras memia nunusitadas sferas musicalas ha Fortunat Frölich rgamunau sias formaziuns en in oratori che ha puschiu a l'ureglia presenta ella baselgia claustrala, dabia free cant, in che muenta denton.

Buca sempel co tractar

Pil concret ei la presidenta dil Forum dalla pasch, *Lea Sutter* s'exprimida cuort avon il concert per l'avertura dalla «Stad da Glion.» En siu plaid da beinvegni ha ella tschentau la domanda, sche pasch astgi insumma divertir. «Astg'ins festivar la pasch sche auters mieran enzanua ell'uiara?» Lea Sutter ha getg ch'ella vegni savens dumandada sche quella jamna dedicata

alla pasch seigi ina conferenza, in program cultural, ina scolaziun ni schizun in festival. Cun l'expressiun festival ha la presidenta il forum empau breigia, sco ella ha tradiu en siu plaid da beinvegni. «Igl ei per nus tuts buca sempel co tractar il pitir dall'uriara.» Lea Sutter ha accentuau che la pasch stoppi vegnir promovida a moda preventiva. Ed ella ei dil meini: «La pasch san ins buca festivar avunda.»

La pasch persunala

Plidau all'avertura dalla «Stad da Glion» ha era la nievelegida cussegliera guvernativa, *Carmelia Maissen*, en sia funcziun actuala sco presidenta dalla vischnaunca dad Ilanz/Glion. Ella ha regurdau allas differentas strategias communalas che circumscrivan ils puncts principals dil svilup communal. «Ina directiva communal che pertucca la pasch exista denton buca.» Carmelia Maissen suppona che quella munconza seigi d'attribuir al fatg che la pasch seigi per nus ina realitad normala. In tema ch'ins surlaschi bugen al Departement federal per fatschentas digl exteriur. Carmelia Maissen ein denton era sedumandada tgei che pasch munti

insumma per mintga singul. «Per biars ei pasch forseira a messa, per auters forseira il sex da pasch suenter ina dispeta denter partenaris.»

Igl inferno ella baselgia claustrala

Daferton ha Fortunat Frölich lantschau ella baselgia claustrala in inferno musical. Ei ha fatg la pareta sco sch'el seigi sespruau d'intonar l'uiara cun eroplans che sederschan dil plantschium sura, gie schizun il giuvenessendi sterti avon porta. Ina inscenzaziun dada da siu agen chor, in chor d'affons tgamunau da *Rilana Cadruvi* e *Flavia Walder*, da musicists marocans, tuns electronics ed in saxofon tut alla schräga enconuschents neu dil freejazz. Fortunat Frölich ha schau explodir denteren quella intercultural aschia ch'ils affons dil chor ein gia bunamein dai giud il baun baselgia. Intressanta produczion, igl oratori Leh Ya Jarè, magari han ins denton giu il sentiment ch'il dirigent unfreschi las atgnadads e finessas dallas diversas melodias culturalas, sco per exempel la ritmica dalla musica araba, al spirachel. Remarcabel ch'in affonet el publicum ei vegnius da sedurmentar duront quei concert. En scadin cass in segn da pasch.

In program variont

La «Stad da Glion» porscha in program pulpitu cun luvratoris, films, spassegiadas e discuors che tematiseschan divers aspects dalla pasch. Per exempel plidenta la scuntrada da margis, ils 9 d'uost, co prevegnir e sliigar conflicts denter las instanzas communalas e la populaziun. Ni gievgia, ils 11 d'uost vegn la comunicaziun enteifer interpresas pintgas tematisada. «Rumantsch, in ferm toc Svizra», discutescha vendergis allas 17.00 il cusseglier guvernativ *Jon Domenic Parolini* cun *Alice Bertogg*, la collaboratura dalla Lia Rumantscha. Quei ei denton mo ina pintga part dil program, dapli e detagls pon ins endriescher via ilanzersommer.ch. (fmr/ac)



Il dirigent Fortunat Frölich ha lantschau la dumengia vargada cun siu oratori Leh Ya Jarè la secunda «Stad da Glion» iniziada per promover la cultura da pasch.

FOTO MARIA TKACHUK